



Шормо эл, порылык да гыч бер!

26-шо (3258) №,
2016 ий 25 июнь,
шуматкече.

ЯМДЕ ЛИЙ

1933 ий 1 февраль годсек лектеш.

0+



Таче
Йошкар-
Олаште
Пеледыш пай-
рем эрта. Тушко
Российын — регион-
жо гыч уна-влак
толыныт.

Ура-а-а! Кеңеж!!!



Вучымо газетем

Шуматкечын, школ гыч толын,
Почтальоным вучена.
«Ямде лий» лўман газетым
Мыланна тудо конда.
Ковайна ышта подпискым.
Куаналын лудына.
«Мыскара лук», «Пўртўс мурым»,
«Чавайн тукым улынам».
«Куанен модмаш», сўрет-влак
Газетнам сорастарат.
Тўрлў лаштыкыш юнкор-влак
Ятыр серышым колтат.
Шочмо эл да шочмо мланде,
Порылык да чын верчат
Налза, лудса «Ямде лийым»!
Пойдара шўм-чонымат!

Ирина ЗАКИЕВА.

Кеңежым уремыште
йоча-шамычын йўкыштым эр гыч
кас марте колаш лиеш. Вет нунын
каникул! Ну лўшкат, ну модыт... Мыят,
веселитлымыштым колын, фотоаппаратым
кидышкем налын, йоча-влак деке вашкышым.
Ренат, Алия да Роман войзалташ вигак келыштыт.
«Чечас мотор вургемым чиен толына да фотогра-
фироватлалтына веле!» — куржыштак кычкырен,
ўдыр-рвезе-влак мўнгышкышт шикшалтыч.
Варажым «Мыйым тыште сниматле-е! Айда мый
шудыш возам» манын, почешем куржталыч. То
лўнгалтат, то велосипед дене кудалыштыт, то
мечым чумен модыт — чыла вере шуктынешт. Йоча-
влакын шинчашт йўла веле. Кеңеж тыге йоча-вла-
кын кумылыштым нўлта.

Валерия ВАСИЛЬЕВА.

Татарстан, Балтаси, Улисьял.

*Лодпсыкым Российысе кеч-
могай почто отделенийыште,
кажне тылзын 15-ше кечыже
марте ышташ лиеш.*



Республикысе
Колумб лудмаш 1
июльышто Морко район
Нурҗумбалне 11 шагатат
пелылан тўналеш.

Кеҗеж каныш

Ме школ пеленысе «Орлёнок» лагерьыште канена. Ныл отряд уло. 2-шо ден 3-шо класс-влак «Ералаш» отрядыш чумыргенит. Нуным Людмила Михайловна Павлова вуйлата. 4-5-ше класслан отрядышт – «Фиксики». Вожатыйышт – Татьяна Эриковна Шабдарова. «У тукум» отрядыште 1-ше ден 6-шо класса улыт. Вожатыйна – Инна Вячеславовна Максимова. «Comedy club» отряд эн кугу. Тудым Лада Александровна Козлова вуйлата.

**Марина ЛУКИЯНОВА,
Анюта СОЛОВЬЁВА.
Шернур, Марисола.**

Аваем



Авамнын лўмжө -
Маргарита. Тудо пеш поро.
Мыйым чот йората. Мыйат
тудым йоратем. Авам кужу
лўмыран, эре пиалан лийже!

**Дарья ВАСИЛЬЕВА.
Параньга, Элпанур.**

Морко лимонад



Морко лимонадым калык йоратен йўэш. А кузе тудо ышталтеш? Палаш онгай ыле... Ик кечын ме, 2-шо «В» классым тунем лекше-влак, напитокым ыштыме цехышке миенна. Лимонадым атышке темат, наклейкым пижыктат, пенгыдын петырат да вошт койшо пакетлаш куд ате дене пўтырат. Света кокай мемнам тамле лимонад дене сийлен. Ёнде лимонад нерген чыла палена.

**Милана ЕВДОКИМОВА.
1-ше номеран Морко школ.**

Вуйнам савена

21 июньышто Йошкар-Олаште Курымашлык тул воктене «Шарнымаш сорта» акций эртен. Тудо 21 шагатлан тўналын да Кугу Отечественный сар тўналмылан 75 ий теммылан полеклалтын. Совет элнам фашист кашак деч утарышыштыла колышо 26 миллион утла совет еным шарнен, кумшүдө утла ег шарнымаш сортам чўктен. Ме, изижат-кугужат, 1418 кече да йўд шуйнышо шучко сарым нигунам огына мондо, тыныс илышым пўртылтымыштылан кугезе-коча-кована-влаклан тауштена да вуйнам савена.




Пётр ВАСИЛЬЕВЫН фотожо.

А.ЭМАНОВА.

Историйым шергалына



29 июнь – Кугу Отечественный сарыште фашист ваштареш крдалше партизан ден подпольщик-влакым шарныме кече. 1941 ий 29 июньышто СССР Совнаркомжо да ЦК ВКП(б) тушман-влакын керылт пурымо кундемлаште партизан отряд-влакым чумыраш кўлмө нерген Директивым луктыныт. Тиде исторический фактлан энертен, партизан ден подпольщик-влакым шарныме кечым Российыште 2010 ий гыч палемдат.



«Про Красную Шапочку» кино – тиде телемюзкл. Тудын премьерже 1977 ий 31 декабрьыште лийын. Режиссёр – Леонид Нечаев. Йошкар Упшын рольжым СССР кугыжаныш премийын эн самырык лауреатше Яна Поплавская модын. Тунам тудлан 11 ий темын.

Вольык ончышо лийнем

Ковам вольык ончышылан пашам ышта. Яра жап годым тудлан полшаш коштам: изи презе-влаклан вўдым йўктем, пукшем. Вольыкклан кочкашышт кугу машина дене кондат. Кугу лиймекем, мый илыш корнемым ты сомыл дене кылдаш шонем. Вольыкым чот чаманем. Нуно айдеме гай улыт, ойлен гына огыт керт.



**Алёна СЕМЁНОВА.
Провой кундем, 2-шо номеран
Красногорский школ.**



Лагерыште пеш келша!

Морко район Шордур школ пелен «Шонанпыл» каныме лагерь пашам ышта. Лагерь илышышт нерген йоча-влак палдарат.

«Мый, Диана Иванова, кажне кечын «Шонанпыл» лагерыш куанен вашкем. Эрдене зарядкым ыштена, тамлын кочкына. Вара тўрлө семын модына, таҥасена. Мый икымше отрядыште улам. Туныктышына-шамыч пеш сай улыт».

«Мыйын лўмем – Лиана. Тений 2-шо классым сайын тунем пытаренам. Лагерыште пеш келша. Кажне кечын куанен коштам. Ме футболла модына, сўретлена, мурена. Йолташем-влакат пеленемак улыт».



Ангелина ГОРШКОВА:

«Лагерыште «Светлячки» да «Солнышко» отрядлан шелалтме. Икте-весе дене таҥасена, модына. Келшен жапым эртарена».

Веселан канена

Икыт, кокыт, кумыт – Лагерышке коштына. Нылыт, визыт, кудыт – Тушто сайын канена. Эрдене зарядкым ыштена, Вара кочкаш пурена. Линейкыш рўжге лектына, Паша радамым ыҥлена. Кече шокшын ырыкта, Тўрлө пашам ыштена. Ваш-ваш полшен илена, Икте-весым пагалена. Эмилия АЛЕКСАНДРОВА. Морко, Коркатово.

ДЕНИС: «Лагерыш коштына йоча-влак туныктышына-шамыч дене пырля Яранск олаш экскурсий дене миенна. Тушко ме нъл шагат кудалынна. Олаште Троицкий соборышко да Успенский кафедральный соборыш пуренна. Мыланем пеш келшен».

Диана НИКОЛАЕВА, кокымшо отряд:

«Лагерыште пеш сай. Мыланна тўрлө модышым, конкурсым эртарат. Вес ийынат лагерышке толаш шонем».


Калык пале
 ❀ Май киндым кушта,
 июнь – шудым.



❀ Июньышто икымше саскам умшашке пыштат, кокымшым мўнгышкў найгаят.
 В.СМИРНОВ ямдылен.

Кенежым чотак сай. Ме ачай ден колым кучаш коштына. Йоча-влак кажне кечын йўштылаш куржталыт.

Оля КУЗНЕЦОВА. Волжский, Кугу Корамас.



Туткар Аралыза шкендам!

18 июньышто Карелийысе Сязозеро воктенысе лагерыште каныше ўдыр-рвезе-влак ер покшелне шинчыше отрош каеныт. Но кугу толкын дене пушышт кумыкталтын.

13 йоча да ик кугыен коленыт.

Марий Элыштат икмыняр йоча вўдымак пуренгаен. Мутлан, кошко каныш кечылаште Звенигово район Кожласола ял воктенысе ерыште 1999 ийыште шочшо рвезе коллен. Вўдыштў шкем кузе кучымо правилым палатгын, очыни, тыгай кугу туткарыш огыт логал ыле.



Йоча-влак, ШАРНЫЗА:


1. Кугыен деч посна йўштылаш ида пуро.
2. Палыдыме верыште вўдышкў шунгалташ огеш лий – пундашыште кў, вўдысў кашка, пудыргышо янда, кўртнывоштыр лийын кертыт.
3. Пуэн овартыме матрас але онго дене ийме годым тўткў лийза. Поснак виян йогынышто да мардежан игечыште вўд покшеке ида кай.
4. Йолташдан ийме пушышкыжо ида кержалт.



Йошкар-Оласе 32-шо номеран йочасадын воспитательже Любовь Васильевна Григорьева йоча-влакын модмо верыштым кумылын тўзата. Пластик ате гыч тўрлӧ янлыкым сӧрастара. Теве левым ыштен. Йоча-влаклан тудын воктене модаш пеш келша. Артём Петров ден Кирилл Иванов янлык воктене войзалтыныт.

Н.ГОДУНОВА.

Индюклан олма корзинга дене миен шуаш полшо.



Чайворд

1. Пушенгын вургемже.
2. Сад-пакчаште кушшо шем тўсан емыж.
3. Эр шушо пакчасаска.
4. Пакчан пояныкше.
5. Тудым логалат гын, когарген кератат.
6. Кенеж...
7. Олыкышто тамле пушым шара.
8. Шопо таман шудо.
9. Енгын вўржым йўэш.
10. Кенеж тылзе.
11. Пасушто кушшо пеледыш.
12. Пакчасаскам шындыме вер.

Валерия ВАСИЛЬЕВА,
МарГУ-н студенткыже ямдылен.

Палаш онай
Слон вўдын кушто улмыжым вич мейге тора гыч шижеш.



Могай произведенийысе пырыс эре шем шинчалыкым чиен коштын? Авторжо кӧ?

Тушто
Кече ыш керт йошкартен,
А пычкемыш чевуртен.
Ў п ш ӧ ужарге, йошкарге.
капше



В.СМИРНОВ.
Морко, Коркатово.

27 июнь - Колым кучымо тўнямбал кече

Колызо кудо колым кучен огыл, му.



Индекс 78574.
Тираж 1300 экз. Заказ 1935.
Формат - А-4-8.
Директор-тўн редактор Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикесе культур, печать да национальность паша шотышто министерстве, "Ямде лий" газет" кугужаныш унитарный казенный предприятий.

Газетым Массовый коммуникаций сферыште да культур наследиим аралымаште законодательством шуктен шогым эскерше Федеральнй службыв Приволжский федеральный округысо управленийыштыже регистрироватлыме.
Номер - ПИ №ФС 18-1999,
2005 ий 10 февральыште унитарный казенный предприятий.

0+

Печатьыш пуымо жап - 14-00, фактически - 13-00.
Ак - кутырен келшыме почеш.

Авторын да редакцийын шонымашышт тўрлӧ лийын кертыт. Серыш-влак мӧнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.

Тале гармонист



Мыйын хобби

Марий сем почеш куштал-
тымет але муралтымет шуэш
гын, Денис Кугергинлан (**сним-
кыште**) каласе веле, тунамак
гармоньжым шупшылеш.

Рвезе изиж годымак
ты семүзгарым кидыш-
кыже налын. Яра
жапше годым капка
ончык лектын, гар-
моньым шокташ туне-
мын. «Кочам уста гар-
моньчо лийын. Усталык
туддеч вончен, очыни, а шокташ шке гыч тунемынам»,
– манеш Денис. Рвезым, мастарлыкшым ужын, марий
сем-влакым йонгалтараш концертлаш, пайремлаш ўжыт.
Самырык-влак пүртүсыш лектыт гын, тале гармонист
нуным веселитлыкта. Ди-джей семьинат тырша.

Валерия ВАСИЛЬЕВА.

Татарстан, Балтаси, Улисъял.

Мо тыгай йоратымаш?

Йоратымаш шомакын
умылымашыже моткоч
кумда, келге. Нигө деч чот
ава веле йоратен кертеш!
Тачысе кечын ўдыр ден
рвезе кокласе йоратымаш
эгоизм дене кылдалтын.
Шукужын ушыштыжо –
мый. Илышыште чын
йоратымаш ик гана веле
лийын кертеш! Илыш ик
гана веле пуалтеш, туге-
же йоратыза да йоратыме
лийза!

Йоратымаш!
Волгыдо,
яндар.

Пагалаш,
келшаш,
йораташ.
Юзо вий!

Ольга
КОШКИНА.
Советский,
Кукмарий.



Йолташ деч посна илаш ок лий

Икымше марий баснопи-
сец Г.Микай ятыр басным
возен коден. Нунын кокла гыч мыланем
«Маскаиге» басныже шарнымашеш кодо. Тудо
шукерте возалтын гынат, кызытсе пагытлан
пеш келшен толеш. Автор шкем гына йораты-
ше, шкеж верч гына тыршыше еным койдарен
ончыкта. Мемнан коклаште але шуко тыгай-
влак улыт. Икте-весе дене келшыде, полшы-
де илаш ок лий. Мыйын шуко йолташем уло,
күлеш годым мый нунылан полшаш эре ямде
улам. «Йолташ деч посна илаш ок лий», –
манеш калык.

Йолташда дене
мемнат палдарыза.
Адресна:
yamde_lii@mail.ru

Костя САВЕЛЬЕВ.

Одо кундем, Грах район, Марий Возжай.

#МолоДечынОйыртемалтнетГын

Кекеж шокшышто
шлөпкым чияш пеш кел-
шен толеш. Перепон-
кыжо йолварням ынже
корштары манын, сүре-
тысе гай носким пидын
чийыза. Тошто носкин
шулышыжымат пүчкын
налаш лиеш. Кугыварня
тураште изиш пүчса да
урген шындыза.



Тазалык



Мўшкырыс
што коям пыта-
раш манын
тыгай упражне-
ний – в а к ы м
ыштыза.

Юрист лийнем

Ончыкылык профес-
сийым кажне айдеме
чын ойырышаш.
Мыланем эре иктаж-
мом ум пален налаш,
чын верч шогаш, ўча-
шаш да сеҗаш келша.
Садланак юрист лияш
шонем. Тиде професий-
ым пеш ответственный
пашалан шотлем. Тудо еҗлан
шке правам арален, законым
пален илаш полшышаш.

Таня ЭПАЕВА.



Тазалык эн шерге

Тўняште шуко
професий уло.
Мыланем эн лишыл
врачын пашаже.
Шонымо верыш
тунемаш пураш
манын, тўрлө пред-
метым келгын шым-
лем. Врач кажне еҗын
тазалыкше верч колянышаш.
Илышыште тазалык эн
шерге.

Алёна ВАСИЛЬЕВА.
Морко, Эгерсола.

2016 ий 1 апрельлан шотлымо почеш Наркологий диспансерыште 173 йоча ден ийготыш шудымо икшыве учёгышто шогат. 40 ўдыр-рвезым анонимный учёгыш налме.



Учёгыш логалше-влак кокла гыч шукынжо тамак шупшым кудалтат. Вет нунын дене диспансерыштына психолог, моло специалист пашам ыштат.

- Тендан эскерымыда почеш, тамакым мыняр ияш шупшаш тўналыт?

- Тўн шотышто 12 ияш-влак. Нуно тыге кугу лиймыштым, молодеч ойыртемалтмыштым ончыктынешт. Южыжо кумирже гай лияш тырша, вет ылышыште кўкшытыш шушо-влакат тамакым шупшыт. Тыгак тыгай ийготышто нунылан оңай. Тамакын энгекше нерген шуко колыныт гынат, огыт ўшане, шкештак тидым шижын ончынешт. Ик гана, кок гана шупшыл ончат, а вара тиддеч посна илен огыт керт. Тыге изинек таза капкылыштым шкештак аяр дене лунчыртат.

Ўдыр-рвезе-влак, ужыда, изи тамак айдемын ылышыжым кузерак локтыл кертеш? Нина Николаевна каласкалымыжымат ушышкыда пыштыза. Кызыт эше изирак улыда, но вет теат кушыда, школым пыгареда, тунемаш каеда. Сандене ончыкылык корнешда тачысе йонгылыш ошкылда дене чаракым ида шынде.

А.ЭМАНОВА ямдылен.

Ўмырешлан ушеш кодеш

Шем теныз воктене верланыше «Смена» всесоюзный йоча лагерьыште лияш мыланемат пиал шыргыжалын. Мый «интернет-журналистике» направлений дене пашам ыштенам. Кубанский кугыжаныш университетын студентше-влак Ирина Степанова ден Сергей Панченков кураторна лийыныт. Москвасе телевиденийын да радиовещанийын пашаенже-влак, НТВ телеканалын журналистшешамыч, журналистике факультетыште тунемше студент-влак мыланна лекцийым лудыныт. Уш-акылнам у шинчымаш дене пойдареныт. Журналист профессийым тўрлө могоыр гыч ончыктен моштымыштлан кугу таум каласыме шуэш. Лўмлө ен-влак дене вашлияш йон лийын. Мероприятийлаште кажне йоча вийжым терген кертын. Мыланем «Интуиций» шоу поснак келшен. Лагерьыште лийме кок арня жапым эре шарнаш тўналам. Путёвкым ойырымыштлан Марий Эл Республикысе образований да науко министерствылан, «Ямде лий» газет редакцийлан кугу таум каласыме шуэш! Ну и МЕ-Е-Е-ЕДИА - ХОЛДИ-И-ИНГ! (Лана ден Элина мыйым умылат:)).



Тўналтышыже 1-ше лаштыкыште.

Вика МИХАЙЛОВА.

Морко, Кожлаер.

Улат Российын гражданинже

18 ийым темымек, ийготыш шушо гражданин семын, рвезе-влакым армийыш служитлаш налыт. А кызыт кугурак класслаште тунемше-влак армийыш каяш ямде улыт мо? Айста йодына.



Станислав ОКУНЕВ (Советский, Кукмарий):

- Мыйын шоньмаште, армийыш кажне рвезе миен толшаш. Мый элнам аралаш ямде улам. Школышто тунемам гынат, армийлан кызытак ямдылалтам. Шке капемым шуараи кажне кечын спортзалыш коштам. Вет салтак таза, виян да пекгыде лийшаш.

Влад КУКЛИН (Советский район):

Армийыште служитлымаш салтакла модмаш огыл... Армийыште служитлымаш - уло ўмырлан ситыше погымо опыт.

- Армий кажне рвезын ылышытыже ик тўн рольым модеш. Вет армийыште тый шкендым терген кертат. Армийыш каяш мый ямде улам.



Армийыште служитлыше йолташ але родо дечын армий нерген шукырак йодышт.



Марий Эл Республикасыне наркологий диспансер дене пырля шындарыме проект

Дима ден Ваню изи годсек пырля модын кушкыныт. Кызыт 8-ше классыш шуыныт гынат, эреак коктын коштыт. Южыжо келшымыштлан өреш, вет нунын койыш-шоктышышт йөршеш түрлө. Ванюжо - шып, ласка рвезе, уто мутым ок ойло, кеч-момат шоналтенрак ышта. А Дима чолгарак да чоярак. Тыгай-шамыч нерген калыкыште «Тыйым кум ырла ужала» маныт.

Ик кастене рвезе-влак кече еда погынымо верышкышт ошкылыч. Тушко иктанаш-шамыч миенат шуыныт ыле. Паркысе тиде үшык верыште ласка, тентгылат уло, уто шинча дечын шонго куэн кечалтше укшыжо петыра. Икмыняр рвезе тентгыл ваштареш шогалеш гын, тушто кө шинчыме огешат кой. Тыгай годым чолгарак рвезе-влак, шкеныштым кугуэш ужын, тамакым пижыктат.



Тачат тыгак лие. Димат моло дечын почеш ынеж код. Тудат шикшым түрга веле. Чылан мутланат, воштылыт. Трук Дима пеленже шогышо Ванюлан тамакшым тушкалтыш: «Кучо-ян, мыйын шнурокем рудалтын». Шкеже лап шинче, пуйто шнурокшым кылда.

Тиде жапыште рвезе-влак тўшкаш полицейский патруль толын лекте. Тамакым кучен шогышо Ванюм вачыж гыч пералтен, иктыже мане: «Ну, мо, йолташ, кучалтыч?» Ваню нимом огеш умыло. «Законом пудырттылат? Тамакым шупшаиш чарыме верыште шупшат?» Ваню ончал колтыш, чынжымак, тамак ик тудын кидыштыже гына. Моляжо кунам кудалтен шуктеныт? «Мый йөршеш ом шупши», - умылтараш төча рвезе. «Тидым ме наркодиспансерыште пеш вашке рашемдена», - пенгыдырак йўк дене пелештыш полицейский. А Дима шып шога, пуйто йолташыжлан тушкалтыме тамакым ужнынат огыл.

Чын ошкылым ыште, йолташ!



Тиде сўрет дене Республикасыне наркологий диспансерын ийготыш шудымо-влак дене пашам ыштыше врач-наркологшо **Н.Н.ДАНИЛОВАМ** (снимкыште) палдарышна.

- Тиде ситуаций йолташын могай улмыжым раш почын пуа. Ванюн Дима йолташыжым йолташ манаш огеш лий. Тудо, шкенжым арален кодаш манын, изи годсек келшыме йолташыжым поргемыш шўкалын, - умылтарыш Нина Николаевна. - Чылан паледа: 2013 ийыште тамакым общественный верыште шупшаиш чарыме нерген закон лектын. Тиде тыглай мут-влак огытыл, тиде законнын вийже моткоч кугу, ончыкылык

логий диспансерышкына кондат. Ме тудым учётыш налына. А школым тунем пытарымекыже, тудо МЧС, ФСБ, полиций пашаен лийнеже гын, учётышто шогымыжлан көра тыгай учрежденийлашке тунемаш огыт нал.

- **Полицейский-влаклан кучалтше чыла икшывым учётыш шогалтеда мо?**

- Теве тиде ойлы-

ИЗИ ДА ШУЧКО

илышыште корным пеш тырлен кертеиш. Законом пудырттышо рвезым але ўдырым полицейский-влак Нарко-

машысе семын тамакым тыглай кучен шогышым але шупшаиш гына тўналшым анонимный учётыш гына шогалтена. Нунын ончыкылык илышышт ару лийже. А кө тамакым шукертсек шупшеиш да тыгодым капкылжылан энгекым ыштен шуктен, тудым профилактический учётыш налына.

- **А йоча «Тамакым шупшыш омыл» манын шойыштеш гын?**

- Шойыштшо йоча ик специалистлан огыл гын, весылан садак кучалтеш. Адакше мемнан у оборудований-влак улыт, кудышт айдемын тамакым шупшымыжым, аракам подылмыжым але иктаж аярым тамлымыжым пеш вашке рашемдат. Тидлан шондым анализлан налына, а тушто чыла лектеш.





Марий лидер

Ик шошо кечын Анапысе «Смена» все-союзный йоча лагерын омсаже мыланемат йомакысе гай вучыдымын почылто. «Ямде лий» газетын эртарыме «Сенгымашлан – 70 ий» конкурсышто «Фронт гыч серыш» тагасыште икымше верым сулен налмемлан редакций Марий Эл Республикысе образований да науко министерстве дене пырля путёвкым ойыренит. Эланн түрлө верлаже гыч нылшүдө икшыве самырык журналист-влакын медиафорумышкышт толын.



Икымше кечынак мем-

Ўмырешлан ушеш кодеш

нам кумло енан отрядлан шельыч. Мемнан отрядыште лу ўдыр-рвезе Волгоград ола гыч, тынарак Ростов ола гыч да ме, лу ен, Марий Эл гыч лийына. Авана-влакым вожатый-шамыч Алина Станиславовна ден Мария Александровна вашталтышт. Нуно кажне кечын мыланна зарядкым ыштыктенит, түрлө модыш дене модыктенит. Лагерь почмашке мурызо Полина Гагарина толын ыле. Тудын йонгалтарыме «Миллионы голосов» мурыжо кызытат пылышыштем йонга. Мемнан лўмеш каваште волгалтше тулсавышат – шинчаончылнем.

ыш коштмо, түрлө заданийлам шуктыммо, ушым тергыше модыш дене модмо. «Инфобриз» лўман газетым кок кече кокла гыч лукмо. Тыгак МИТРО-со журналист факультетын нылымше курсын студентше Павел Смирнов дене пырля «Пазл» журналым ямдылыме. Ик медиапрактикумышто уна-влак Никита Подлипский да Давид Сальсашвили (Бекар) дене (кўшыл снимкыште) роликым сниматлыме. НТВ

«Периодический печатъ» направленийыште мый автор семын ойыртемалтынам. Тидын нерген мыланем куратор-влак ик гана веле огыл ойленит. Лагерь дене чеверласыме деч ончыч грамотым кучыктенит да шўйышкем медальым сакенит. Тиде тат ўмырешлан шарнымашеш кодеш.



Илышыштем икымше гана Шем тенгызым ужынам.

Мыланна куд направлений гыч шкалан келшышым ойырен налаш темлышт. Мый «периодический печатъым» ойырышым. Кок арня жапыште йолташыш савырныше куратор-влак Маргарита Гончарова да Виталий Попов дене пашам ыштыме. Кажне кечын лекций-

телеканалын корреспондентше Сергей Пикулин, тележурналист, продюсер, режиссёр, телеўдышō Елена Летучая да кумдан палыме моло ен-влак дене вашлиймашла онайын эртенит. Латкумшо гана эртарыме тотальный диктантыште уш-акылнам тергыме. Анапа олан моторлыкшо дене кугешненам. «Немо» дельфинарийыште, «Балу» зоопаркыште, пингвинарийыште, океанариумышто лийме.

«Смена» лагерь, йолташ-влак – чылажат лишыл да шерге. Шўм-чоным тарватыше тыгай жапым пōлеклымыштлан «Ямде лий» газет редакцийлан кугу таум ойлем!

Элина НИКОЛАЕВА.
Морко, Энерсола.

Умбажыже 3-шо лаштыкыште лудса.

